

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-14589/21
Sarajevo, 02.9.2021. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine i broj 02/12-45-8834/20 od 02.7.2020. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu – Izvođenje radova na investicionom održavanju ostalih spomen obilježja

I

Ugovor za javnu nabavku u predmetu –Izvođenje radova na investicionom održavanju ostalih spomen obilježja, broj obavještenja 422-7-3-151-3-103/21, objavljeno na Portalu javnih nabavki dana 13.8.2021. i broj TD_IZM1_422-7-3-151_21 objavljeno na Portalu javnih nabavki dana 19.8.2021. godine, dodjeljuje se ponuđaču “GH” d.o.o. Sarajevo - Ljubina sa ponudom u iznosu od 37.955,40 bez PDV-a, odnosno 41.299,27 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumente tražene u tački 3.1.3. tenderske dokumentacije koji se odnose na član 45. stav 2 tačka od a) do d) Zakona i dokumente tražene u tački 3.3.2 tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti original ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-14589/21 od 10.8.2021. godine Općina Novi Grad Sarajevo pokrenula je konkurentski postupak javne nabavke „Izvođenje radova na investicionom održavanju ostalih spomen obilježja” broj obavještenja 422-7-3-151-3-103/21 objavljeno na Portalu javnih nabavki dana 13.8.2021. i broj TD_IZM1_422-7-3-151_21 objavljeno na Portalu javnih nabavki dana 19.8.2021. godine.

Zapisnikom o otvaranju ponuda od 25.8.2021. godine Komisija je konstatovala da je u predviđenom roku, u propisno upakovanoj koverti, pristigla jedna (1) ponuda ponuđača: 1. „G.H.“ d.o.o. Sarajevo – Ljubina.

Nakon što je Komisija utvrdila da je pristigla jedna ponuda, pristupila je analizi i procjeni dokumentacije kojom ponuđač treba dokazati svoju kvalifikovanost za učešće u ovom postupku, te

utvrdila da ista ispunjava formalno-pravne i kvalifikacione uslove tražene u tenderskoj dokumentaciji. Komisija je nadalje izvršila i računsku provjeru ponude, te konstatovala da nije bilo računске greške.

Međutim, Komisija je konstatovala da je ponuđena cijena za ugovor u iznosu od 1.299,27 KM veća od procijenjene vrijednosti utvrđene Odlukom o pokretanju postupka. Komisija je od Službe za finansije zatražila stručno mišljenje za mogućnost odobravanja dodatnih sredstava u skladu sa Zakonom o javnim nabavkama. Mišljenjem broj 02/09-11-sl/2021 od 02.9.2021. godine Služba za finansije je dala saglasnost na traženi dodatni iznos, te je na osnovu te saglasnosti Komisija nastavila sa procedurom javne nabavke i dala preporuku za zaključenje okvirnog sporazuma po ponuđačem „GH” d.o.o. Sarajevo – Ljubina.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 5 (pet) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis



Općinski načelnik

7
mr. Semir Efendić